



十
乃
史
成
十

天

伊 8
1834
13





古今歷代標題註釋十九史略通考卷之七

前進士廬陵 曾 先 之 編次

松塢門人番陽竹窩余進宗海通考

南宋

○高宗皇帝名構徽宗第九子也封康王靖康初
 嘗出使幹離不軍是冬幹離不再來奉詔再出
 使耿南仲偕行至相州民遮道請無往至磁州
 守臣宗澤止之相州守汪伯彥以蠟書言金人
 方遣騎物色康王所在乃回相州與南仲揭榜

揭榜
召兵

張邦
立昌僭

召兵勤王使相騎皆去聲。○有詔以康王為大
元帥汪伯彥宗澤為副速領兵入衛王從伯彥
議出北門渡河至大名聞京師陷澤請進兵向
京城伯彥請王移兵東平措身安地南仲亦以
為然遂東去知河間府黃潛善亦領兵至進屯
濟州濟上聲。○東平府。濟州並屬山東。探報二帝北行張邦昌
為金所立國號楚是日風霾日有薄暈百官慘
恒邦昌亦有憂色惟王時雍范瓊等欣然若有
所得探音貪即謀者。羅音埋風而雨。土曰霾。邦昌在位三十三日

改元
建炎

御史馬伸貽書邦昌請速行改正易服歸省遂
迎元祐孟太后聽政太后迎立康王詔告中外
有曰漢家之厄十世宜光武之中興獻公之子
九人惟重耳之尚在遣使奉表及以孟后詔來
邦昌繼至伏地慟哭請死元祐哲宗年號孟氏哲宗后也時六宮皆
從二帝北行惟孟后以廢得免使臣自河北竄來進道君手札
曰便可即直來救父母王慟哭拜受遂趨應天
府即位改元建炎道君謂徽宗以主和誤國罷竄耿
南仲召李綱為相以宗澤知開封為留守綱至

車駕至揚州金分南宗表還
人道來澤請汴

邊防軍政略有緒而潛善伯彥復主和亟遣祈
請使矣綱相數十日而罷潛善伯彥為相首誅
上書人陳東歐陽澈決策幸東南無復經制兩
河之意是冬車駕遂至揚州復扶又反至金人
分三道南來二年春金人至汴為宗澤所敗澤
招撫羣盜募四方義士合百餘萬糧支半年表
疏連數十請上還汴潛善忌其成功從中沮之
澤憂憤疽發背而卒臨終無一語及家事但連
呼過河者三都人為之號慟聞者皆相弔出涕

為呼皆去聲沮
上聲號平聲

中興大事記曰自古未有內外不相應而成
功者有張仲孝友主於內而後尹吉甫得以
專征於外孔明欲出師於外則任禕允於內
建炎之初李綱在內宗澤在外此殆天擬二
人以開中興之治也使二人得行其志必能
復君父之仇雪宗廟之恥伸神人之憤惜夫
綱去而澤計沮蓋汪黃既用事於中則澤安
能措手於外既主幸東南之議則還汴之請

州至金
揚人

亂彥劉苗
作正傅

雖二十疏而何益縱使渡阿而北指日成功亦安能免後患哉

三年春金人將至揚州上得報亟出二相方會

食堂吏呼曰駕行矣乃戎服南走回望揚州煙

焰已漲天矣二相謂呂頤浩張浚追及上於瓜

洲得小舟以渡至鎮江遂如杭州罷潛善伯彥

以朱勝非為相瓜洲渡名在揚州南鎮江府各屬江浙即京口御營將

苗傅劉正彥作亂請上禪位於皇子粦未三歲

孟太后聽政粦音呂頤浩張浚帥師勤王韓世

忠為前軍張俊翼之劉光世游擊為殿殿去聲謂往來

後殿也為勝非說二兇亟反正尊孟后為隆祐

皇太后說音稅○二兇謂勝非罷呂頤浩為相

二兇走世忠追之皆伏誅以勝非不能止二兇之亂故罷之上

如建康以浚為川陝宣撫處置使隆祐太后如

南昌聞元木請於粘罕將犯江浙故也川陝謂四川陝西

西杜充為右僕射守建康上如杭州升杭州為

臨安府自臨安如浙東射音金人分兩道一軍

自蘄黃渡江劉光世在江州以為蘄黃小盜遣

渡兩金杭上
江道人州如

楊又血書
邦刺

王德拒之於興國軍始知為金人金人自大冶趨洪撫建昌臨江吉州追隆祐太后不及遂陷袁潭荆南澧州乃自石首北渡而去冷音也澧音里國軍潭州荆南州澧州皆屬湖廣大治縣屬興國洪州府撫州府建昌府臨江府吉州府並屬江西一軍自滁和向江東馬家渡濟江陷建康和滁州名屬淮西馬家渡在太平府杜充及守臣皆降於兀木通判楊邦又不從刺血書裾曰寧為趙氏鬼不作他邦臣眾擁見兀木誘諭累日輒叱罵見殺又音義兀木長驅陷杭州上去已七日兀木進陷越州

上台州章鎮
次安州

四年春陷明州明州屬浙東今慶元府時上已次台州章安鎮金人以船犯昌國縣欲追襲上舟提領海舟張公祐引大船擊散之乃退台州屬浙東昌國縣屬慶元回兵陷秀平江常州至鎮江韓世忠邀之以海舟與戰數十合多俘獲伏卒金山龍王廟幾獲兀木藥音機○秀平江常州皆屬江相持於黃天蕩兀木求假道甚恭不許欲自建康先歸不得去或教於冶城西南隅蘆場地鑿大渠一夕成次早出舟趨建康世忠大驚尾擊之一日值

北金
道人

金調
兀人
西赴

無風海舟不能動兀木乃引其舟出江其去疾如飛以火箭射海舟世忠軍亂奔還兀木乃得北道統制岳飛邀擊敗之於六合射音石。統制官名岳飛相州人少負氣節家貧好學左氏春秋孫吳兵法有力能挽弓三百斤弩八石初張浚西行上命浚三年而後用師及是捷粹兀木皆在淮東浚聞兀木躊躇必再犯東南議出師攻取以分其勢士大夫及諸將皆以為不可浚決策移檄粘罕問罪遣吳玠入長安捷粹金人遂調兀木自京西星馳赴陝西與婁室合浚

上越
秦州
南歸

合六路兵至富平婁室引兵驟至鐵騎直擊環慶路趙哲軍他路不援哲離所部諸軍退金遂乘勝而前浚斬趙哲諸路軍皆散去陝西大震浚駐軍興州遣劉子羽訪諸將所在各引所部來會人心粗安吳玠走保大散關東和尚原調騎離皆去聲散音產。婁室金將也六路名屬○上自海道回駐越州呂頤浩罷范宗尹為相秦檜南歸赴行在檜在北依捷粹為所任用捷粹南侵檜參謀其軍為草檄下山東州郡

劉稱帝豫
大國號齊

命張俊討
李成

挈全家泛小舟抵漣水軍自言逃歸朝士多疑

之檜言如欲天下無事須是南自南北自北乞

上致書捷粹以求和好其言皆捷粹意也連水軍屬

淮西今安東府○是歲劉豫稱帝豫景州人於建炎戊

申以濟南守降金為之用得知東平府兼節制

河南粘罕白金主猶張邦昌故事立豫國號大

齊後遷都于汴粘罕既得關中地悉割以與豫

濟上聲言豫為宋濟南太守而降於金○紹興元年命張俊討江

淮盜李成成據江淮六七州連兵數萬有席卷

張盡失
陝西之地

東南之意尋陷江筠臨江俊擊其軍復三郡成

道降齊江州筠州臨江州皆屬江西○張浚盡失陝西之地

惟餘階成岷鳳洮五郡及鳳翔府之和尚原隴

州之方山原而已浚退保閬州階成岷鳳州皆屬陝西閬州屬順元即今之保寧府也統制曲端有威名浚先用諸

罷其兵柄安置萬州西人倚端為重及貶軍情

不悅至是又送恭州欲殺之士大夫軍民皆恨

恨西人益以是非浚萬州屬川南西人陝西人

慶府也非浚謂浚以殺金人分兩道向蜀吳玠與

曲端事非議張浚也

秦檜
為相

第璘大敗之於和尚原又選將敗之於箭筈關
兩道皆不能入璘音鄰○范宗尹罷秦檜昌言曰
我有二策可以聳動天下遂為右相呂頤浩為
左相○兀木會諸道及女真兵造浮梁於寶鷄
縣渡渭攻和尚原玠璘三日三十餘戰大破之
兀木中流矢僅以身免始自河東歸燕山中夫聲○
浮梁編船為橋也○二年上自越州還臨安言
者劾秦檜專主和議沮止恢復遠圖檜罷朱勝
非為右相○三年春撒離曷自鳳翔長安聲言

上還
臨安

金人
元興

東去實由商於出漢陰直趨金商吳玠急引兵
扼之饒風嶺金人間道遶出其後玠遽還仙人
關金人遂進陷興元知府劉子羽退保三泉縣
潭毒山撒離曷食盡乃引還吳璘以無糧拔寨
棄和尚原金人得之玠度其必深入乃嚴兵以
待兀木果與撒離曷來犯仙人關玠璘與戰七
日金人不能支宵遁玠設伏扼其歸路又敗之
是舉也金人決意入蜀卒不得志度待洛反○漢陰縣名屬
金州金商二州名屬陝西繞鳳嶺在是歲浚又
金州仙人關在鳳州三泉縣屬大安

南金齊
侵兵以

失洮岷關外惟_中階成秦鳳浚召還尋與劉子羽皆貶竄浚是行本欲由關陝取中原乃盡喪關陝西而歸賴得玠璘保蜀而已關陝關中○齊遣李成攻陷鄧襄隨郢唐州信陽軍等嶽飛復隨郢成棄襄陽而遁鄧襄唐三州信陽軍皆屬河南隨郢二州屬湖廣○呂頤浩朱勝非相繼罷趙鼎為右相○齊以金兵分道南侵上詔親征出如平江以張浚知樞密院先是浚極言北方既無西顧憂必并力窺東南上思其言遂召之無西顧憂言金人既得陝西不復以為憂也

江視張
上師浚

浚至請遣岳飛渡江入淮西以牽制北兵之在淮東者從之上命浚視師江上將士見浚來勇氣皆倍一倍謂增一倍也時韓世忠駐揚州先已大敗金兵於大儀鎮擒其將解元成閔與戰於承州十三捷仇愈孫暉敗之於壽春安豐王德敗之於滁州嶽飛遣牛臯等攻之於廬州撻粹兀朮知為世忠所扼江不可渡引還齊劉麟劉猷棄輜重遁去解音蟹愈音預為去聲猷音倪○陳氏曰承州屬淮東今高郵府壽春府名屬淮西即壽州安豐壽春屬縣廬州屬淮西麟猷子猷豫姪也○五年上自平

上還
臨安

江還臨安趙鼎張浚為左右相浚兼都督諸路
軍馬尋復命浚視師江上浚至鎮江召韓世忠
使舉兵移屯楚州浚至建康撫張俊軍至太平
州撫劉光世軍無不踊躍思奮以嶽飛為河北
京西招討使撫慰勞也太平州屬江東即姑孰先是建炎庚戌
中有武陵人鍾相起於鼎州僭號楚鼎澧荆潭
辰岳之境皆盜區句相敗就擒武陵縣名屬常德府鼎州屬湖
廣即常德府岳州屬湖廣即巴陵郡其徒有楊么者據洞庭遂為
劇寇官軍陸襲之則入湖水攻之則登岸曰有

金主
亶立

能害我除是飛來浚謂上流不先去么為腹心
害將無以立國請自行浚至湖南會嶽飛兵至
急攻其水寨么窮蹙赴水死遂平么音腰浚自湖
南轉由兩淮會諸將議防秋乃入見見音現○兩淮謂淮
東淮西防秋謂秋高馬肥○女真主晟祖姪孫
亶立初是與晟約兄終弟立而後復歸是之子
故晟捨己子宗盤而立是長孫曷囉馬為諳板
孛極烈儲副位也曷囉馬名亶至是遂即位宗
盤與是之別子及粘罕皆爭立而不得粘罕時

蒙國
叛金

齊人
分首
寇入

已失兵柄與悟室並相粘罕絕食繼飲而死長上

聲○諳板字極烈蓋夷狄太子之號也悟室金相名蒙國叛金蒙在女真

之北在唐家為蒙兀部亦號蒙骨斯元朝之與始此○

六年張浚復出視師上自臨安如平江齊人分

道入寇初劉豫因粘罕得立知奉粘罕而已幾

視他帥及是請兵於金宗盤沮之聽豫自行而

遣兀朮提兵黎陽以觀釁釁猶輕也劉光世時

駐廬州以為難守張俊俊駐泗州亦請益兵衆情

洵懼張浚以書戒浚及光世有進擊無退保趙

鼎等請上親書付浚欲退師還南保江浚力爭

以為可保必勝一退則大事去矣光世已舍廬

州而退浚即星馳至采石遣人喻其衆若有一

人渡江即斬以徇仍督光世復還廬州光世不

得已乃駐兵遣王德鄴瓊三敗齊兵於霍丘正

陽及前羊市舍上聲爭去聲○保江謂以江為限自保也霍丘縣名屬安豐正陽

前羊市皆霍丘地名時劉猷至淮東阻韓世忠兵不敢進

乃從淮西渡浚遣張俊統制官楊沂中至濠州

與浚合兵沂中敗猷前鋒猷引兵欲會劉麟于

上皇
問

合肥而後進沂中與遇於藕塘合戰猗大敗麟
聞猗敗望風潰去光世乘勝追襲亦捷北方大
恐上曰克敵之功皆出右相趙鼎遂罷合肥縣名屬廬
州藕塘在廬州○上皇以五年四月殂至七年春凶問
始至壽五十四二帝自建炎初由燕山如中京
古奚國霄郡也在燕山北千里次年又自中京
移韓州在中京東北千五百里後二年又自韓
州移五國城在金國所都東北千里上皇終焉
霄音○以嶽飛為湖北京西宣撫使時淮東宣

秦檜
議和

撫使韓世忠江東宣撫使張俊皆久已立功而
飛以列將拔起世忠浚不平飛屈已下之二人
皆不答及飛破楊公俊益忌之於是嫌隙日深
上自如平江如建康飛因扈駕以行入見疏論
恢復秦檜時為樞密副使主和議忌飛成功沮
之見音現飛以內艱去上力起之內艱謂丁母憂劉光世
以言者論其退師幾誤事罷兵柄張浚以王德
統其軍德與鄺瓊等夷不相下大譟詣督府訴
德浚乃召德還為督府都統制而以呂祉為督

府參謀領其軍

幾平聲 ○等夷不相下謂等類平夷各不肯相伏弱也

社

簡倨不通將士之情聞瓊等反側密乞罷之瓊

叛執社以所部數萬降齊張浚遂以言罷浚之

用德與社岳飛嘗言其不可浚不聽故敗趙鼎

復相

簡倨簡慢倨傲也反側謂不安其職也

○女真廢劉豫為蜀

王立行臺尚書省于汴

金人以劉豫不能立國遣將為無伐宋襲汴執

之以歸廢之齊立八年而亡

○八年帝自建康如臨安以秦

檜為尚書右僕射兼樞密使詔議講和趙鼎罷

鼎不主和議檜忌之故罷

自建炎以來無歲不遣使直願去

尊號奉其正朔比於藩臣金人不從使者往多

拘囚後數南侵不利知江南不可圖然後遣檜

為間至劉豫廢和議乃決金使張通古來

去上聲

音朔間去聲

編脩官胡銓上疏以為陛下屈膝則

祖宗廟社之靈盡汚夷狄祖宗之赤子盡為左

衽朝廷宰執皆為陪臣

左衽夷狄之俗陪臣諸侯之臣乃重臣也

異時豺狼無厭安知不加

我以無禮如劉豫

厭平聲足也如劉豫謂既立為帝而又廢之

夫三

尺童子無知指犬豕而使拜則佛然怒堂堂天

朝相率而拜犬豕曾無童稚之羞邪夫音扶弗音弗〇二

歲半為一尺三尺則七歲半也奉使王倫誘致北使以詔諭江

南為名欲臣妾我執政孫近附會秦檜臣義不

與檜等共戴天乞斬倫檜近三人頭竿之藁街

然後羈其使責無禮與問罪之師三軍之士不

戰而氣自倍不然臣有蹈東海而死耳寧能處

小朝廷求活邪書上連貶竄處音杵〇節要王倫為奉迎梓宮使

如金及金使張通右來言歸江南陝西之地有詔諭江南之名李綱曰不云通問而曰詔諭不

陝金
西以

著國號而曰江〇九年金人先以陝西河南地

來歸朝廷遣官謁陵寢交地界除汴京留守陵

天子墳陵廟寢也〇廊延副將李世輔還自西夏賜名

顯忠世輔綏德青澗城人其先累世為蕃族都

巡檢使父子雖嘗仕齊每相泣恨不得歸宋齊

用世輔知同州嘗得間生擒撒離曷欲歸朝金

兵來追縱之而奔西夏其父母及三子一孫皆

被戮至是乞兵於夏以復仇欲取陝西五路以

與夏既出則知陝西地已歸宋乃卻夏兵而來

上慰勞加賜資周勞皆去聲〇綏德州名屬陝西復仇報復父仇也五路廊延

河歸李歸南
世來賜顯
名歸顯

環慶熙河秦鳳涇原也 ○十年女真分道入寇時金國有

謀反者事連宗盤等皆坐誅左副元帥撻鞬實

揚割長子金主亶之大父行也自粘罕死宗戚

大臣皆懼撻鞬與悟室尋亦以謀叛先後誅長

大父祖也 ○金與宋和實撻鞬主之撻鞬既死

於是右副元帥兀朮為左相乃密奏於其主以

宋未議歲貢正朔誓表策命而撻鞬擅許割地

遂渝盟分四道南侵也渝變 劉錡大破兀朮於順

金分四道南侵

昌府檜急啓上召錡還岳飛敗之於郾城幾擒

兀朮飛至朱仙鎮檜急啓上召飛還韓世忠敗

金人於淮陽之泃口兀朮還汴簽兩河軍與蕃

部以謀再舉幾平聲○秦城縣名屬許州朱仙鎮在汴京西南 ○十一

年兀朮陷廬州侵和州劉錡揚沂中敗之於橐

臬檜又啓上亟班師亟音克○秦縣名在隸縣 沂中自瓜

洲渡返行在張俊自宣化歸建康劉錡自來石

歸太平州罷宣撫司以其兵隸御前遇出師時

臨時取旨宣化地名 以韓世忠張俊為樞密使

岳飛為副使飛世忠尋罷兀朮以書抵檜曰爾

罷宣撫司

兀朮陷廬州

朝夕以和請而岳飛方爲河北圖必殺飛乃可
張俊又構成飛罪逮赴獄檜奏誅飛及張憲岳
雲和議遂諧

岳雲飛子也

東萊呂氏曰岳飛忠孝出於天性自結髮從
戎凡歷數百戰內平劇盜外抗強胡其從杜
充也以八百人破羣盜五十萬衆於南薰門
外其破曹成也以八千人破其十萬衆於桂
嶺其敗兀朮也於潁川則以背嵬八百於朱
仙鎮則以背嵬五百皆破其十萬餘衆虜人

畏服至以岳爺爺稱之自兀朮有必殺飛而
後可和之言秦檜之心與虜合而張俊之心
又與檜合媒孽橫生不置之死地不止千載
之下每念岳武穆之冤直欲籲天而無從也
歸韋太后及徽宗梓宮於宋金人不惟盡悔所
許陝西河南地仍割唐鄧等州入金盡淮中流
爲界西割商秦之半棄和尚方山原時宣撫使
吳玠卒四年矣胡世將代之力以和尚原等地
爲不可棄兀朮必欲得之遂以大散關爲界

韋太

蒙兀
號大
帝

后高宗母也天子屍柩曰梓宮尚原及商秦等州皆險要之地實州故世將以爲不可棄也于時金國屢有內叛宗戚大臣相繼誅夷且北有蒙兀自號大蒙稱帝改元連歲用兵卒不能討而與之和南侵又不得逞而宋之猛將精兵方日盛恢復實不難沮於秦檜有志之士扼腕歎息兀朮且死曰南朝軍勢強盛宜益加和好俟十數年南軍衰老然後圖之待也張浚趙鼎皆遠竄鼎卒於海外當時異議之人貶竄殆盡無復敢言兵者浚敗連州鼎與化軍移漳州潮州

金主
亮立

金徒
居燕
京

秦檜
死

○十九年女真完顏亮殺其主亶而自立亮封之從弟也○二十年女真徙都燕京金主亮以上京僻在一隅乃城燕京徙居之改燕京析津府爲大興府號中都以中京會寧府爲北京汴京開封府爲南京而舊遼陽府爲東京大同府爲西京如故分蕃漢地爲十四路置總管府○二十五年女真參軍事秦檜死檜秉政十八年臨終猶起大獄欲殺異已者張浚李光胡寅等五十三人幸檜病已不能書得免沉該萬俟卨

湯思退陳康伯朱倬相繼為相萬俟音墨其履姓也商音雪倬

韓音

愚按秦檜之於宋金猶張儀之於魏秦也蓋儀心乎秦者也雖出仕魏實為秦地故連橫而使之事秦檜心乎金者也雖歸仕宋實為金地故主和而使之事金檜從二帝北行不能死節甘心夷虜為所任用反為間使詭言逃歸既秉宋政專主和議一時忠臣猛將誅鋤殆盡使高宗不能成中興之業其罪可勝

此行一字下久心

誅
誅哉

金亮母舉寇
主弒大入

二十六年帝桓祖祖于女真欽宗崩于五國城年六十三十一年凶問

始至五
三十一年女真主亮弒其母徒單氏大

舉入寇先是金城汴京經營南侵幾年矣嘗因使來密藏畫工圖繪臨安山水城市宮室以歸題詩其上有立馬吳山第一峯之句是秋徙居汴遂渝盟舉兵其母諫殺之以威衆兵號百萬陷淮西諸郡江淮浙西制置使劉錡遣王權迎敵權逗留已而退還奔采石報至中外大震有

立袞金
亮人

浮海避敵之議陳康伯不可命葉義問視師中
書舍人虞允文參謀軍事金人陷揚州趨瓜洲
劉錡遣將敗之於皂角林有詔令劉錡還軍專
防江上逗音豆逗留謂○女真人立完顏袞為
帝于遼陽更名雍而殺其主亮于瓜洲引軍北
還袞音初亮欲由采石渡朝廷以李顯忠代王
權而未至金人舟來虞允文亟督水軍海鱗船
迎敵死鬪金人不能濟時亮聞有內變又聞舟
師由海道來者已為李寶所焚而荆鄂諸軍方

禪上
內

自上流而下忿甚乃回揚州揚召諸將約三日必
濟過期盡殺諸將遂弒亮為去聲○內變方亮
之引而南也渤海一軍叛去已擁立袞聞亮死
遂入燕京追謚亶為閔宗廢亮為海陵王謚曰
賜袞晟之孫也漾音先是數年張浚嘗言金必
渝盟時相湯思退等大駭以為狂至是浚起判
建康上自臨安如建康浚迎謁衛士見其復用
以手加額以手加額謂加敬也○三十二年上還臨安金
使來遣使報之復尋和議○夏六月上內禪退

居德壽宮在位三十六年改元者二曰建炎紹興皇太子立是爲孝宗皇帝

愚按高宗遭家不造父兄被虜於斯之時國中無主乃能即位南京以圖匡復可謂能權者矣蓋政之初以李綱爲相宗澤爲將招撫群盜召募義兵克敵之易有如破竹奈帝素無撥亂反正之才惑於汪黃主和誤國戎服南走賴張浚韓世忠等出死力於抗敵得還臨安而又惑於秦檜凡四主和議皆不旋踵

金人渝盟南侵幾危宗社賴吳玠岳飛張浚韓世忠劉錡楊沂中等募兵勤王追亡逐北自燕以南民爭挽車載糧頂盆焚香迎候官軍者充滿道路使無秦檜從中沮之則恢復之功豈不指日而成哉夫金人驅逐二帝北行備極窘辱卒死于金則金人者高宗與其臣庶所不共戴天之讎也今高宗非惟不能復仇討罪而又屈膝虜庭稱藩奉貢使祖宗廟社之靈盡汚夷狄祖宗之赤子盡爲左袵

○朝廷之宰執皆為陪臣則其忘親逆理偷安
忍恥而得罪於天下也亦已甚矣嗚呼悲夫
孝宗皇帝初名伯琮宗室追封秀王謚安僖子
侂之子太祖七世孫也母張氏高宗喪太子勇
命選太祖之後得伯琮鞠宮中賜名瑗封普安
郡王秦檜疾其英明而不能害也竟立為皇子
賜名瑋封楚王紹興末賜名昚立為皇太子尋
詔即位尊太上皇帝為光堯壽聖皇帝皇后吳
氏為壽聖太上皇后侂音補瑗音院昚音賢○
七世謂太祖生德芳德芳

張浚
北伐

生惟憲惟憲生從郁從郁生世將世將
生令諭令諭生子侂生子侂生孝宗也○以史
浩為右相張浚樞密使督師江淮遂北伐浩不
與其議力丐罷李顯忠出濠州趨靈璧敗金兵
邵宏淵出泗州圍虹縣降金將進克宿州金副
元帥紇石烈志寧率兵至顯忠與戰連日未決
謀報金人大興河南兵將至會宏淵與顯忠不
相能而顯忠又不犒士士憤怨遂潰而歸金人
亦解去上銳意恢復是役不利乃復議和與音
預虹

音降能與耐通○靈璧縣名屬宿州宿州屬河
南紇石烈姓志寧名也不相能謂不相忍耐取

張浚終身不
和議

也。和陳康伯罷湯思退張浚為左右相浚仍以都督視師數月而罷未幾卒浚許國之心白首不渝終身不主和議遺命付其二子以不能復中原雪國恥不得祔葬先人墓二子棧也拘也附音附合葬也朱子曰南渡以來士大夫唱為和議其賢者則不過為保守之計夷狄制命禽獸偏人莫知其為大變獨魏公欲正人心雪國恥復土守鎮遺黎晚復際遇主議益堅雖天嗇其功使公困於讒忌之口不得就其志然而表著

天心扶持人紀使天下曉然知人類之所以異於禽獸中國之所以異於夷狄其功盛哉劉氏曰魏公之忠貫日月宜無可非議之者然有不可辨者二事力攻李綱而寧與汪黃同朝力引秦檜而寧與趙元鎮不相下皆不可曉其何為而然也

湯思退密有召虜劫和之迹言者論罷竄之道死陳康伯復相和議成先是國書大宋去大字皇帝去皇字書用君臣之禮有再拜等語金使

孝宗有志
自恢無相
輔復

至則起立問金主起居降坐受書奉使者自同
陪臣館伴之屬皆拜其來使自同陪臣謂宋使
至是始稱上為宋皇帝止為叔姪之國易歲貢
為歲幣歲幣減十萬之數地界如紹興之時而
餘禮往往竟不能盡改上終身憤之其後力請
還河南陵寢地改受書禮金主卒不從蓋上雖
有志復讎而無能輔其志者自陳康伯卒後洪
迨葉顥魏杞蔣芾陳俊卿虞允文梁克家曾懷
葉衡史浩趙雄王淮周必大留正相繼為相音芾

朱熹
被召

弗惟俊卿允文並相時有經營北方之議而俊
卿持重卒與允文不合允文所為人亦議其虛
誕竟不效如浩尤不主用兵必大從容廟堂善
類多所引進朱熹以淳熙十五年被召必大作
相時也從音

臨江梁氏曰高宗南渡駐蹕臨安前誤於汪
黃李綱獲罪後誤於秦檜岳飛被誅時可恢
復而專主和議時則有其將而無其君孝宗
受禪有志中原而虞允文前以來石之功致

卿相之位遂獲上聽用師于金邊學誤開卒

無成效時則有其君而無其將誠確論也

初程順卒於徽宗之世其徒楊時在欽宗光堯

時皆被擢趙鼎雖不及識順而主張其學惡之

者以揚時為還魂趙鼎為尊魂胡安國為強魂

惡去聲○時字中立歸龜山先生安國字康侯謚文定其後又有尹焞見

召入經筵焞蓋順晚年高第也焞音淳士大夫

名程氏之學曰道學時好所尚或冒此名以進

時好不同亦多以此名見擠於世好去聲擠音

延平李侗受學於楊時之門人羅從彥而熹又

受學於侗侗音通○延平郡名屬福建今南劍

字仲素胡銓嘗薦於光堯熹不至乾道以來屢召

不起特旨改秩奉祠召入館不就秩官品也奉

州崇道觀也召入館謂後為南康守浙東荒除

熹提舉往救之過闕嘗一入奏事奏事謂上至

是召對除兵部郎與侍郎林臬不合奉祠去數

月復召熹辭惟進封事言天下之大本與今日

之急務大本在陛下之心急務在輔翼太子選

事進朱熹封

任大臣振舉綱維變化風俗愛養民力脩明軍政六者是也封事謂實熹之同志有廣漢張栻

者魏忠獻公浚之子其學得之胡宏宏安國子也栻之言曰有所為而為者利也無所為而為

者義也學者誦為名言稱栻為南軒先生所為之為去聲○魏國忠獻謚公爵也

有呂祖謙者公著之五世希哲之四世孫也亦祖程氏之學學者稱為東萊先生皆先是數年卒矣祖謙字伯恭惟熹學問老而彌

篤學者共師宗之稱為晦庵先生四方仰其人

如泰山北斗南使至北金人必問朱先生安在也彌甚同時有臨川陸九淵世號象山先生者與

熹爭論太極圖說且謂學有悟入臨川縣各屬撫州悟入謂不須講學自然有悟而入於道熹從事訓

解意見頗立異云也朱子嘗曰陸氏宗旨本自禪學中來○上又有與子之意會光

堯壽八十二而崩乃詔內禪上奉德壽二十六

年孝養備至既升遐哀慕尤切以不得日奉凡廷欲退終喪制移居重華宮在位二十七年改元者三曰隆興乾道淳熙養去聲重平聲○德壽光堯所居宮名凡

金主
立

楚靈
座也

金世宗雍以是歲祖其嗣允恭先卒孫璟

立雍賢明仁恕號為北方小堯舜故金之大定

三十年興宋之隆興乾道淳熙相終始南北皆

得休息彼此無可乘之釁上之齎志不克大有

為者以此太子立是為光宗皇帝

璟音景
齎持也

四明陳氏曰孝宗聰明英毅銳志恢復重違

高宗之命不輕出師又值金國治平無釁可

乘然易表為書改臣稱姪減去歲幣以定隣

好金世宗每戒羣臣積錢穀謹備邊蓋忌帝

之將有為也天厭兵革欲休民生故帝用兵
之志弗遂而終自古人君自外藩入繼大統
能盡宮庭之孝如帝者幾何人哉廟號孝宗
不亦宜乎

○

光宗皇帝名惇年十四自東宮受禪尊太上

皇帝為至尊壽皇聖帝周必大罷留正葛邲為

左右相改元紹熙

惇音敦
邲音弼

皇后李氏大將李道

女也擇而妬欲亟立太子嘉王為儲嗣因內宴

請於壽皇未許后不遜壽皇有怒語后銜之

惇音

李后造周
后誣

也早暴乃造誣罔謂壽皇有廢立意致上驚恐得
疑疾及聞後宮有暴死者上震懼疾愈甚不復
過重華宮近兩載始一至壽皇彌不擇上亦不
能視疾壽皇居重華踰五載壽六十八而崩上
不能執喪一日忽仆於地中外危懼太皇太后
立嘉王是為寧宗皇帝什音赴倒也太皇太后謂高宗后吳氏也
四明陳氏曰光宗幼有令聞嚮用儒雅即位
之初總權綱屏嬖幸薄賦緩刑有可觀者及
宮闈妬悍閹宦交構驚憂致疾孝養遂怠孝

宗之業衰焉

寧宗皇帝名擴初封嘉王孝宗崩光宗疾病知
樞密院事趙汝愚密建翼戴之議知憲聖慈烈
吳太皇太后以宗社為憂將白事而難其人有
知閣門事韓侂胄者琦之曾孫而太皇女弟之
子也乃因以入白太皇垂簾引嘉王入即位代
執孝宗之喪中外危疑者乃定擴音廓侂音托
因侂光宗居壽康宮後六年而崩壽五十四上
之為嘉王也黃裳為胡善講說開導光宗嘗宣

韓侂胄功趙愚善引
侂負汝務進類

諭曰嘉王進學皆卿之功裳曰若欲進德脩業
追蹤古先哲五須尋天下第一人乃可問為誰
句以朱熹對句彭龜年繼為官僚因講每及熹
說句上傾心已久翊善東宮官名僚屬也熹在光宗
時守漳州後守潭州為湖南安撫至上登極首
被召除待制兼侍講熹未至已聞近習用事御
筆指揮皆有漸深憂之漸謂漸懼近習也留正罷汝愚
為相韓侂胄自負有定策功希不次之賞汝愚
不肯驟除遂怨之汝愚為政方務引進善類裁

抑僥倖小人滋不悅相與共排之滋愈也朱熹既

至上疏忤侂胄在朝甫四十六日罷言者以為

熹有宮祠之命遠近相弔天下大老去之誰不

欲去若正人盡去何以為國汝愚袖還內批且

諫且拜不聽言者指游仲鴻官祠之命謂罷熹

之曰彼宗姓誣以謀危社稷則一網盡矣侂胄

然之汝愚在相位數月罷連貶竄服藥以死其難

名謂難擬其罪名也

四明陳氏曰汝愚學務有用常以司馬光富弼韓琦范仲淹自期如朱熹張栻呂祖謙汪應辰王十朋胡銓李燾林光朝之言欲次第行之未果而罷政當孝宗崩光宗病汝愚奮不顧身定大計于頃刻收召明德之士以輔新政其功盛矣卒為韓侂胄所構斥死避荒而宋之陵夷馴至於不可救惜哉

侂胄用李沐何澹劉德秀胡紘紘沈繼祖等為鷹犬搏擊善類無遺宏欲音彭龜年劉光祖章穎葉

適徐誼沈有開吳獵黃由黃度鄧駟陳傅良樓鑰鄭湜李祥楊簡呂祖儉曾三聘游仲鴻項安世孫元德袁燮陳武汪達范仲黼黃灝詹體仁等賤逐不可勝紀駟音月湜音植灝音浩勝音升籍記黨人姓名目曰偽學以朱熹為首在籍者數十人蔡元定坐熹累道州編管太學生楊宏中等六人亦坐上書救黨人編管留正以嘗引用黨人亦黜竄余端禮京鏗謝深甫相繼為相鏗音錫番陽石氏曰以道學為偽學以正人為黨人

朱熹
卒

主昏時晦莫甚於此是故姦黨碑立而前宋
亡偽學黨禁而後宋亡雖悔於終亦無及矣
朱熹以慶元庚申卒時偽學黨禁雖嚴會葬者
亦數千人呂祖泰上書論雪偽學乞誅侂冑及
其黨蘇師且周筠罷逐陳自強之徒召用周必
大不然事將不測書出中外大駭杖一百不刺
面配欽州必大亦坐謫降熹沒踰年黨禁稍解
諸人或復官自便然消沮變化之餘風俗已大
壞矣復音伏 襲音怪○謝深甫罷陳自強為相侂冑以

侂人權侂
主傾冑
生事冑
開邊

太師平原郡王平章軍國事權傾人主威制上
下服御擬於乘輿土木侈於禁苑諛者至稱為
恩王聖相或作詩九章每章用一錫字侂冑亦
不辭稔積罪惡至於生事開邊而極乘去聲先是
有蒙古部興於北方在金世宗時已強盛至璟
立蒙古兵來輒長驅金始多事侂冑聞金有此
釁謂中原可圖蒙古部後改國號曰元有吳曦者前蜀帥
吳挺之子璘之孫也吳氏世職西陲威行西蜀
留其子孫於京蓋累朝遠慮曦有異志久欲歸

元祖
稱帝

蜀而不許侂胄遣歸數年蓋欲使由蜀出兵開
禧丙寅諸路進師曦首以關外四州獻金求封
為蜀王尋稱帝賴李好義楊源與安丙密謀
曦僭號踰月而誅好去聲○西陲西方邊陲即
西蜀也四州階成秦鳳也
○蒙奇渥温鐵木真稱帝於斡難河奇渥温姓
鐵木真名
即元太祖也翰
難河未詳所在○盜殺韓侂胄時北伐諸軍所
向無不潰敗而退金人大發兵連陷蜀漢荆襄
兩淮諸郡東南大震亟遣使通謝於金而侂胄
弄兵之意猶未已中外患之遂有誅兇之議

楊氏
知書
史通
古今

右楊氏知書史通古今當時侍郎史彌遠建密
策而旨從中出者皆后實為之一日侂胄入朝
彌遠使殿帥夏震以兵邀之塗擁出玉津園推
殺之推直追
反擊也陳自強竄死蘇師且處斬周筠決
配函侂胄首謝金和議復成錢象祖為相史彌
遠累遷與象祖並相象祖罷彌遠獨相處音杵
配謂決
決罪徒
配也
愚按宋之於金不共戴天之仇也為臣子者
固當席干枕戈日思報復而韓侂胄專權自

女真
主姐

恣屠害忠良輕慮淺謀浪戰誤國其罪固不
可勝誅矣然不正名其罪而使史彌遠等密
謀誅之且函其首以謝金人謂之何哉况夷
狄無信弱則請和強則渝盟自徽宗至于今
歷歷可見而宋終不悟嗚呼悲夫先儒嘗曰
金始終以和字愚宋宋始終以和字自愚斯
誠確論也

嘉定元年女真主璟祖叔允濟立

璟在位二十一年廟號章宗

允濟世宗之別子也

○六年女真副元帥胡沙虎殺其主

允

濟而立豐王珣

珣音荀璟之兄也

允濟在位五年無

歲不受蒙兵幾不能支且失將士心故見弒追

廢為東海郡侯

幾平聲

是歲蒙兵至燕蒙主留大

將圍其城自徇河東北山東諸郡

大將謂怯台哈台

金

主乞和雖見許度不能自立於燕明年甲戌遷

于汴後一年而燕京陷蒙兵自河東渡河距汴

二十里而去

度入聲

金人自是地勢益蹙山東叛

之東阻河西阻潼關而已欲窺宋川蜀淮漢以

自廣遂敗盟來侵宋以黃榜募忠義人進討京

立守珣金
緒祖主

東路忠義李全以歲戊寅率眾來歸全本漣水
縣弓手在開禧乙丑間已嘗應募焚其縣矣自
歲丁丑以來宋與金戰雖迭有勝敗然三邊無
歲不被其擾漣音連應去聲 ○十六年女真主珣祖子
守緒立珣在位十二年廟號宣宗 ○十七年帝崩在位三十
年改元者四謙恭仁儉終始如一然慶元嘉泰
開禧凡十三年則侂胄之政嘉定十七年則彌
遠之政壽五十七彌遠定策立嗣是為理宗皇
帝

四明陳氏曰寧宗恭儉守文初年以舊學輔
道之功召用宿儒引拔善類其政可觀中更
韓侂胄內蓄羣奸指正為偽外挑強胡流毒
海內丞丞首求成國體虧矣及史彌遠擅權於
外揚后竊政於內帝拱默不能自強惜哉

○理宗皇帝初名與首宗室追封榮王謚文恭希
彊之子太祖十世孫也彊音盧十世未詳寧宗子多而
不育鞠宗室子名詢立為太子薨生子墮也即死日不育
初皇從弟沂靖惠王柄無子嘗以宗室子賜名

貴和為之後從去聲柄音丙○沂國靖惠謚柄名也及失太子詢

遂立貴和為皇子賜名茲封濟國公茲慧而輕

嘗疾史彌遠專權謂異日不可容彌遠國而惡

之故陰為之計茲音宏濟上聲惡去聲與莒幼不好弄羣

兒聚嬉輒獨登高坐不動長上見者指以語群

兒曰汝曹不效此人恰一大王相似群兒每羅

拜其下遂有趙大王之號好語皆去聲長上聲彌遠物色

得之嘗取應得舉矣特旨補官應去聲○得舉請舉得中也

茲既為寧宗子遂以與莒為沂王後賜名貴誠

除邵州防禦使邵州屬湖南今實慶府寧宗大漸乃白中

宮以貴誠為皇子改名昀宣遺詔即位進茲濟

陽郡王出判寧國府恭聖仁烈楊后同聽政事

定然後撤簾昀音勻○漸進也甚也言其疾甚也白奏告也中宮寧宗后楊氏也

寧國府即宣州時外議籍籍有謀作亂立茲者事不克

皆死李全在楚州與制置使許國相失殺國亦

以問罪為辭舉兵南向圍揚州幾陷屬上元張

燈全置酒高會城中謀知夜遣兵出其不意劫

之全走陷于濠為亂槍所斃其餘奔走北去幾平

元祖
大祖

聲為去聲○籍籍言多也上元
正月十五夜也濠城外池也 ○蒙兵連歲出

滅西夏陷陝西諸郡道長安攻潼關不克歲丁
亥蒙主鐵木真祖皇子窩闊台受遺命謂金精
兵在潼關南有山北有河不易攻莫若假道南
宋出唐鄧之郊則平原曠野可以直擣汴京
異歲辛卯發騎六萬自西和州入興元由金房
道襄陽至唐鄧與金人鏖戰於陽瞿潼藍之戍
亦潰西兵畢至合圍於汴歲壬辰金主突圍出
走歸德府歲癸巳歸德糧絕乃趨蔡州
騎去聲 鏖烏高

守窮
緒感
自焚

反○西和州屬鞏昌興元府屬
陝西金房二州名潼藍二關名
宋丞相史彌遠

卒鄭清之為相史嵩之為京湖制帥在襄陽南
北有夾攻蔡州之約嵩之遣孟珙以兵四萬人
先至圍其東南蒙兵圍其西北守緒以歲甲午
窮蹙自焚死函其首送于宋金自完顏旻稱帝
至是九世一百一十七年而亡
嵩之彌遠子 也珙音拱
金為宋讎義不共戴天宋人包羞忍恥累世
不能復固已不國矣至是乘機僥倖因入成
功亦豈義所予哉是故前宋因金人以滅遼

遼亡而宋亦亡後宋因蒙人以滅金金亡而
宋又亡失道取亡前後一轍後之爲國不能
自強而欲因人成事者蓋亦鑒於此哉或曰
遼於前宋雖爲梗化然既與通好實爲輔車
之勢遼不亡則宋未可圖也金於後宋雖爲
仇讎然既與講和亦爲唇齒之形金不亡宋
亦未可吞也是故遼金亡而後宋可亡此遠
交近攻之術而夷狄用計之巧也宋人不悟
惜哉

王檄
請宋
和議

先是有金國降人王檄請於蒙來與宋通和議
歲幣嵩之奏遣鄒伸之等往使自燕京至草地
其見接納蒙已約使者齎國書再來和議許以
河北地歸宋檄音戰○草地
草野之地也會淮帥趙葵方議
乘金之亡爲恢復計蔡故荆湖制帥趙方之子
也習於兵銳意攻取募山東忠義皆響應應去
聲
伸之未回而宋師出矣伸之等幾被拘留於燕
詭辭得與檄俱來歸途離汴不數日汴人以城
附宋幾音
箕宋師入汴即趨洛北兵戍洛者無幾

姑避去宋師入洛不數日糧絕聞蒙兵且大至
潰而歸咎嵩之主和不肯運軍糧致誤事無幾言不

多和議既不復諧蜀以丙申歲破陷荆襄淮甸

無歲不受攻哨哨稍教反遊清之罷相喬行簡

李宗勉等繼為政無所決斷斷去聲上思史嵩之

之言自督府入為相雖欲議和輒為衆論所沮

嵩之丁憂言者目為權姦力攻之不召沮上聲止也目

猶無也范鍾游侶侶鄭清之謝方叔吳潛董槐程元

鳳丁大全等相繼為相每歲以防秋為常事與侶

蒙主

同似歲己未蒙大舉南侵蒙主親帥大軍入蜀勢

欲順流東下一軍自大理國幹腹南來歷邕桂

之境以至潭州一軍渡江圍鄂州邕桂二州各朝廷

聞蒙兵猝至罷丁大全以兵潛為左相即軍中

拜賈似道為右相潛以向士璧守潭適南來二

哥元帥遇宋候騎而死潭圍先解解去聲高達印

應飛守鄂似道駐漢陽軍為鄂援會合州守王

堅固守不下以抗蒙兵蒙主蒙哥祖於釣魚山

報至鄂州似道乘機遣使約和兵解而去合州屬川

南釣魚山在合州是歲庚申蒙主忽必烈自鄂州歸即

位如約遣郝經來使似道自以再造丕大功業

誇上下諱言前有和約留使者於真州不令赴

闕亦不遣還由是蒙興師問罪三邊歲受攻擾

訖于帝世真州屬淮東即儀真郡帝在位四十年改元者

八寶慶紹定則史彌遠十年之政也端平初元

善類滿朝有真德秀魏了翁等為執政侍從人

以比慶曆元祐自嘉熙以後至于淳祐則有史

嵩之數年之政嵩之既去自淳祐至于寶祐正

人指邪為邪邪人指正為邪邪互為消長而狼狽

莫如開慶丁大全之政景定改元大全與吳潛

雖人品不同各以竄死似道獨相遂執國政末

年寔有君臣相猜之迹未及更變而崩壽六十

一從去聲長上聲更音庚○初元初年也德秀字希元號西山謚文忠了翁字華父謚文靖

號元鶴山慶曆仁宗年號上臨御以來終始崇獎周

程張氏及朱張呂氏諸儒義理之學故廟號理

宗太子立是為度宗皇帝周謂濂谿程謂明道

晦庵張謂南軒呂謂東萊也

四明陳氏曰理宗享國與仁宗同惟其用相
賢否故致治有異耳蔡州之役可以雪先世
之恥顧乃貪地棄盟事釁隨起兵連禍結境
土日蹙由其中年嗜欲既多息於政事權移
姦臣以致於敗然能黜王安石而尊濂洛表
章朱呂丕變士習使天下後世知義理之學
足以復古帝王之治帝之功不為少焉廟號
理宗不亦宜乎

○度宗皇帝初名孟啟福王與芮之子理宗之猶

子也理宗子多而不育鞠孟啟於宮中改名孜
又改名榘立為皇子封忠王已而建儲改名釐
至是即位其釐音旋○詔馬廷鸞留夢炎兼
侍讀李伯玉陳宗禮范東叟兼侍講何基徐幾
兼崇政殿說書廷鸞伯玉並鄱陽人基號北山
文政金華人幾字子與號進
齊建○咸淳元年加賈似道太師封魏公○三
年以賈似道平章軍國重事三日一朝似道權
傾人主諛者動以周公輔成王擬之親王外戚
宦官近習皆稱制不敢恣當世望士亦引用為

封賈道公道似魏人
賈道公道似魏人

儀羽而腹心不在焉在外監司郡守亦參用廉
 介非其人而得進者各有蹊徑擬此也廉介有
 分辨不苟取也
 最以吝賞誅貨失將帥心瀘州帥劉整有功見
 抑且欲置之罪整遂投北獻策取東南謂緩取
 則經營自蜀而下急取則由襄淮直進誅貨如
 打莽軍
前費用時諸將北附知國虛實者相繼似道若
 不以爲虞建第葛嶺自娛累日乘一湖船入朝
 不赴堂治事吏抱文書就第呈署他相書紙而
 已內外諸司彈劾薦辟舉削非關白不敢行一

蒙人
 襄陽

時正人端士斥罷殆盡吏爭納賂以求羨職圖
 爲帥閫監司郡守者貢獻至不可勝計貪風大
 肆兵喪於外匿不以聞民怨于下誅賞無藝莫
 敢言者勝音升喪去聲○虞慮也第私居也葛
 嶺在杭州堂政事堂也薦辟薦舉辟召
 也舉削貢舉削
 奪也藝常也○四年蒙人圍襄陽先是蒙人
 以玉帶獻荆湖制置使呂文德求置榷場於襄
 城外乃築土墻於鹿門山外通互市内築堡文
 德弟文煥知被欺兩申制置爲吏所匿蒙人又
 於白鶴城築第二堡文煥再申方達文德大驚

起萬人臺

蒙改元號

即請自赴援軍病卒椎音角交易之蒙人又於

江心起萬人臺撒星橋以遏南兵之援時出師

哨掠襄樊城外至是遂圍之襄陽城樊城文煥

告急遣高達范文虎赴援道不通二將亦不用

命○五年以江萬里馬廷鸞為左右相兼樞密

使○六年江萬里罷萬里請援兵救襄樊賈似道不從遂求去出知福州

○詔賈似道十日一朝似道稱疾求去以要君故有是詔○七

年蒙改國號曰元取易大哉乾元之義○八年馬廷鸞罷

廷鸞扼於賈似道不克展才力求去○九年元陷樊城守將張漢

英都統制范天順牛富死之○知襄陽府呂文

煥降元文煥守襄城六年捍禦備至雖糧食未

乏衣裝薪芻無所措辦至撤廬舍為薪緝關楮

為衣援兵不至遂以城降為元人之用楮木名皮可為

紙關楮者關會之紙也○直學士院文天祥致仕天祥廬

陵人丙辰進士初賈似道稱疾乞致仕天祥以

為要君似道惡之天祥遂乞致仕時年三十七

矣惡去聲要音腰○十年元以阿朮為中書

平章政事帥師經略兩淮○帝崩在位十年壽

文天祥致仕

三十五皇子立是為孝恭懿聖皇帝

帝暴北遷未有廟號

端宗即位遣上尊號故此因以稱之

呂氏曰度宗荒于酒色委政權臣無足稱者賈似道專政不親建邊不發援兵不明功賞將士離心以致襄樊失陷國勢已去可勝歎哉

○孝恭皇帝名焘皇后全氏出也太皇太后謝氏

臨朝稱制

焘音顯○全氏廢宗后也

○大霖雨天目

山崩

天目為臨安主山今既崩蓋王氣盡也

○元太保劉秉忠卒

劉秉忠卒

伯顏南侵

贈太傅封趙國公謚文貞

○元遣中書平章軍國重事史天

澤中書左丞相伯顏帥師南侵天澤以疾還真

定而卒

天澤真定人

先是元主遣醫馳視天澤附奏

曰臣大限有終死不足惜第願天兵渡江以殺

掠為戒天澤忠亮有大節出入將相近五十年

柱石四朝師表百辟其視富貴權勢歛迹退避

若將浼之者故能善始令終為開國元臣人以

方郭子儀曹彬云

四朝謂太祖太宗定宗世宗也百辟諸侯也令善也方比

也伯顏大會兵于襄樊以劉整領騎兵出淮泗

伯顏大會

襄于

詔天 王勤 元劉 整死

呂文煥領舟師出襄陽爭先向導水陵並進攻
沙市新城都統邊居誼力戰死之策應使夏貴
棄師還走廬州宣撫使朱禔孫提重兵不戰歸

江陵

江陵城外十里使去聲

○元呂文煥寇鄂

州守將程鵬飛以城降之伯顏留兵守鄂而與

阿木率大軍渡江順流東下時沿江諸將多呂

氏部曲皆望風降附○詔天下勤王○德祐元

年賈似道以呂師夔參贊都督府軍事師夔以

江州降元

元以師夔知江州

○元劉整死

整慙出淮無功憤死無為

似道 不遷 出延

城下

○賈似道帥師次于蕪湖

蕪湖縣名屬太平

先是似

道累章出督而陰諷朝廷留之及鄂州破朝廷

大懼三學生及羣臣上疏以為非師相親出不

可似道不得已始開督府于臨安然畏劉整遷

延不出及聞整死始率諸軍發行在迂道而行

數日方達蕪湖陰遣人如元師請稱臣奉貢伯

顏不許

三學謂文學武學宗學也

○池州都統張林以城降

元通判趙昂發及其妻雍氏死之

池州屬江東

先是

池州守臣王起宗聞元人渡江即棄官歸昂發

孫臣與虎
元人戰于
丁家洲

攝州事繕壁聚糧為固守計及元兵至城下林
迎降昂發知事不濟將死與其妻訣妻曰卿能
為忠臣妾顧不能為忠臣妻邪昂發喜遂具衣
冠與俱縊明日伯顏入城見而憐之具衣棺合
葬焉繕音善 ○指揮使孫虎臣與元人戰于丁
家洲敗績賈似道奔還揚州諸軍大潰丁家洲在池州
初似道將趨安慶府牽制下流之師未至三日
安慶已降元及虎臣敗將士無復固志似道鳴
鑼一聲退兵于珠金沙十三萬衆一時潰散似

元人建
康

似道
賈似道
之臣

道單舸奔還元師乘勝東下安慶府屬淮西下流之師謂元順流

東下之衆也珠 ○元人陷建康守臣趙淮死之淮在荻港

淮蔡子也 ○鄂州都統張世傑江西提刑文天祥湖

南提刑李芾皆起兵入衛 ○賈似道以罪罷陳宜

中初附似道得登政府至是上疏劾似 ○京師

道罪以自解遂罷似道為醴泉觀使

戒嚴朝臣接踵宵遁戒嚴謂防 詔張世傑總都

督府諸軍 ○元人克沙市城監鎮司馬夢求死

之夢求溫公 ○詔賈似道循州安置至漳州監

押官鄭虎臣誅之

虎臣似道之父 漳為似道所聚監

胸殺

呂氏曰似道秉政十五年殺三大臣行公田困浙右民各軍賞失將士心背和約挑強胡禍及宗廟社稷其罪可勝誅哉然蔡京秦檜似道之敗皆身亡家敗國隨以亡先後一轍後之專權誤國者可以鑒哉

以文天祥為浙西江東制置使知平江府時天祥將

民兵凋丁二萬餘人入衛與丞相留夢炎不相樂故有是命○元伯顏帥師

天祥為浙西江東制置使

濟江次于鎮江府遂分兵東下○召文天祥入

衛時州郡連降元兵距臨安百里張世傑兵五

萬諸路勤王兵四十餘萬天祥議兩軍堅守閩

廣全城王師血戰萬一得捷猶可為也世傑然

之陳宜中以王師務持重降詔沮之遣使乞和

謂廣東廣西○二年元人克潭州知州李芾死

之湖南諸郡皆降于元元人圍潭州芾竭力備禦出戰屢捷元兵日增

芾不能支城將○元伯顏帥師次于臯亭右丞

相陳宜中遣使奉璽降元棄位宵遁臯亭山名去臨安城

三十里時文天祥張世傑請帥衆背城一戰宜中不許乃白謝太后遣使奉傳國璽以降伯顏

諸郡皆降于元

日有子星于天
中黑 中闢

天祥
州奔

受之召宜中出議降
○遣文天祥使元師伯顏

執面議和事謝太后乃拜天祥右相與左相吳

堅同往天祥見伯顏請退軍嘉興以俟講解辭

氣憤慨議論不屈伯顏留之而遣
○日中有黑

子大如鵝知相盪文之○有星闕于中天一星

隕○詔諭諸道降元伯顏遣人取謝太后手詔

○元人入臨安伯顏遣人入臨安封府庫收軍

衛文天祥自鎮江亡入真州自通州奔温州伯

將北還遣宰執先赴大都天祥亦登舟北行至

鎮江得聞亡入真州守將苗再成出迎喜且泣

日兩淮兵足以興復特二閩少隙不能合從耳

天祥即貽書李庭芝夏貴議合從出師二人疑

州再成乃詔天祥出城閉門不納天祥遂自通

求二王備經艱險
○元人以帝及群臣北遷時

伯顏遣將遷三宮及宗室駙馬宮人內侍庶僚

三學諸生數千人北行至真州守將苗再成謀

奪駕不克上在位二年改元德祐兄益王立于

福州是為端宗皇帝三宮謂少帝謝后全后也

掌附近之馬魏晉以來推尚公
愚按孝恭以四歲嗣位當是之時天命已去

主者加之故名帝誓為駙馬也
人心已離雖使伊尹周公輔之尚不克濟而

况促之以妬賢疾能不學無術一賈似道乎
似道既誅陳宜中等惟務攻擊賈黨略無備
禦之策及元兵壓境賴文天祥張世傑等協
謀匡復而宜中竟白謝太后降詔沮之奉璽
降元是致三宮北狩國隨以亡哀哉

○端宗皇帝名昀皇太后楊氏出也初封吉王改
封益王臨安既破王由海道至温州蘇劉義陸
秀夫皆來會陳宜中張世傑海舟亦至奉王為
天下兵馬都元帥召諸路忠義勤王遂立為帝

以宜中為左丞相世傑為少保秀夫簽書樞密
院事是音○文天祥至温州以為右丞相○帝

熈至元上都元主廢為瀛國公帝為僧號合尊

為尼謝太后○詔文天祥同都督諸路軍馬天祥

開府於南劍州經略江西遂復邵武軍天祥與

議不合乃林○揚州守將朱渙

叛以城降元右丞相李庭芝龍神四廟都指揮

使姜才皆死之○元人入建寧取福州陳宜中

張世傑奉帝航海○景炎二年文天祥復梅州

天祥
督南劍
復邵武
軍

世傑
奉帝
航海

宜中
世傑
航海

天祥
奔循州

反興國會昌縣

天祥謀入衛道不通往

○張世

傑復潮州○元中書平章政事廉希憲卒○文

天祥使趙時賞張日中等帥師復吉贛諸州

中日

橫渠先生十三世孫○帝舟遷于潮州之淺灣

吉州贛州並屬江西

屬廣東○元李恒襲文天祥于興國副將鞏

信張日中趙時賞皆死之天祥奔循州

鞏音先

是恒遣兵接贛而自將襲天祥天祥走即鄒鳳

于永豐鳳兵先潰恒追及天祥于方石嶺鞏信

拒戰箭被體而死天祥至空阨恒又及之日中

奮擊身被數十創而死兵遂潰天祥妻歐陽氏

二子二女皆被執時賞坐肩輿在後詭言姓文

元人以為天祥執之天祥由是得與長子道生

奔循州散兵頗集時賞至隆興奮罵不屈見殺

天祥家屬送于燕二子死于道

長上聲○二子佛生環生也

○元人襲淺灣張世傑戰不利奉帝奔秀山陳

宜中之占城求兵遂不復還帝舟遷於井澳颶

風作帝有疾元人復襲之帝舟遷于謝女峽

音占

沾澳音郁颶音具○之往也占城○三年元以

南蠻國名東西南北四風曰颶風

陸秀夫立帝

張弘範為都元帥李恒副之帥師入閩廣○帝崩于碭洲在位三年改元景炎弟衛王立是為

帝昺

碭音岡昺音丙

帝昺端宗同母弟也初封信王改廣王又改衛王即位初端宗崩羣臣多欲散去陸秀夫曰度宗皇帝一子尚在將焉置之古人有以一旅一成中興者今百官有司皆具士卒數萬天若未欲絕宋此豈不可為國邪乃與衆共立帝年八歲矣焉音煙何也適有黃龍見海中因改元祥興而

升碭州為龍翔縣

現見音

以秀夫為左相兼樞密

使時播越海濱庶事踈略每時節朝會秀夫獨儼然正笏立如治朝或在行中悽然泣下以朝衣投澗衣盡濕左右無不悲動及拜首相與張世傑共秉政外籌軍旅內調工役雖匆遽流離中猶日誦大學章句以勸講朝音潮治去聲行音杭枚音叻拭也

○帝舟遷于新會之崖山

崖山在南海南山相對勢頗寬廣中有一

巷其口如門世傑以為形勝之地奉帝居焉

○有大星南流墜海中

小星千餘隨之聲如雷數刻乃止○加文天祥

大星墜海小星隨之

少保封信公

天祥聞帝即位表乞入朝不許故有是命會軍中大疫士卒多死天

祥子道生亡家屬皆盡

○元以許衡為集賢大學士兼領

太史院事○元張弘範襲執宋右丞相文天祥

于五坡副將鄒鳳劉子俊皆死之

五坡嶺名在海豐

先是天祥屯潮陽鳳子俊皆集師會之遂討盜陳

懿劉興于潮興死懿遁導弘範兵襲天祥天祥

走海豐弘範弟弘正追之天祥方飯五坡嶺元

兵突至天祥被執吞腦子不死鳳自剄子俊自

詭為天祥及執天祥至遂烹子俊而執天祥見

宋元世不
招亡
從傑

弘範乃解其縛以客禮見之天祥因請死不許

求其族屬被俘者悉還之處舟中以自從

潮陽即潮

州府屬廣東子俊詭為天祥者冀可免天祥也

○祥興二年元張弘範

襲破崔山帝及左丞相兼樞密使陸秀夫太傅

樞密副使張世傑等皆死之宋亡

相使皆去聲

先是

弘範兵至崔山世傑力戰弘範使人說世傑降

世傑以死自誓

說音稅

弘範以舟師據海口宋師

樵汲道絕軍士茹乾糧飲海水嘔泄大困

乾音干

弘範命李恒守崖山北面四分其軍自將一軍

相去里許戒諸將曰宋師西艤崔山潮至必東
道宜急攻之聞吾樂作乃戰違令者斬艤音蟻伯也
遂先麾北面二軍乘早潮而戰世傑敗之李恒
等順潮退師午潮上元師樂作宋師少懈弘範
以舟師犯其前南師繼之宋師疲困不能戰陸
秀夫知事去乃先驅其妻子下海即負帝同溺
焉後宮羣臣從死者甚衆從去聲世傑敗走至平
章山下颶風大作溺死平章山在南恩州○宋之故臣
亦有由嶺海走安南者安南自其國王李乾德

卒於紹興子陽煥立陽煥卒子天祚立天祚卒
於淳熙子龍翰立龍翰卒於嘉定子吳昞立世
奉宋正朔當龍翰時有閩人陳京入其國得政
爲女婿京子承再世執其國柄及吳昞時承奪
其國傳子威冕理宗受其貢而封之威冕傳子
日照宋亡乃改名日烜奉貢于元翰音札昞五減反烜玄淺
反○紹興高宗年號淳熙初邵雍與客語及國
孝宗年號嘉定寧宗年號祚取晉出帝紀示之靖康驗矣至德祐益驗陳
搏亦嘗有一沐二杭三閩四廣之說宋果至閩

廣而盡自太祖至帝昺凡一十八世三百二十年而亡

被執之年

晉出帝為契丹所執故即康節以其紀示客也靖康徽欽被執之年德祐孝恭

愚按端宗帝昺皆以冲幼嗣位播越海隅當是之時國事已去雖有文天祥陸秀夫張世傑諸君子盡忠竭誠為之佐輔亦將如之何哉然國滅君死之正也帝昺及諸君子可謂無愧於斯矣攷論三代以下享國久長者漢唐宋也漢大綱正唐萬目舉宋則兼有之蓋

太祖為周點檢本無二心因眾推戴奄有天
下仁厚一念終始不渝其享國三百餘年之
久豈無自而然乎太宗仁宗之世君子滿朝
天下大治哲宗以後諸儒作振斯道復明東
周以還未有之也然則前誤於王安石病民
開釁而汴京失守後誤於秦檜賈似道茹賢
疾能而國隨以亡哀哉抑又考之宋之都汴
也北有遼國及其南渡也又有金國遼起於
阿保機而亡於延禧金起於完顏旻而亡於

守緒享國並百有餘年亦爲難矣然宋爲中華之主固正統也而元朝脩史乃以宋遼金爲敵體而各立帝紀謂之何哉

古今歷代標題註釋十九史略通考卷之七

